



Kairan kawaia taan kata te mwakuri rinanon te Pacific Engagement Visa (PEV):

Tera mwakuri aika ko kona n nori iaon Australia?

Australia bon te aba ae bubura ao man rawata naba taabo ni mwakuri iai ma taian mwakuri aika a tauraoi inanon onoua mwakorona ao uoua iterana. Rinean am tabo ni maeka e kona n rooti mwakuri ake ko rinei, n aron boon te maiu, ao kabanemwane ibukin moan rokom ma katean waem. Kairan te kawai aio e anganiko bwarabwaran mwakoron nako te aba ae na kona ni buokiko ibukin kakaeen am mwakuri.

! **Baika a riai ni katukaki nte iango**

Ni kakaeen te mwakuri iaon Australia, ao e kakawaki iangoan baikai:

- **Te tabo:** Australia bon te aba ae bubura, ao mwakorona nako a kakaokoro tein kanoan te bong iai, kakaokoro teia kaaina, ao a kakaokoro naba taian tabo ni mwakuri iaona
- **Te boo ni mwakuri ao boon te maiu:** Tabeua taabo ma mwakoron te aba a rawata riki iai tangiran te mwakuri aika a bubura booia, ma te maeka iai a kona n rangi ni bobuaka
- **Te Baronga:** Tabeua taabo a rangi ni bubura iai aia mwaiti kain te Betebeke ao kain East Timor, ao ana kona ni buokiko riki n namakinan ae ko bon mena i abam.

Te kairiri ae tawe iaon mwakoron ma iteran nako Australia



Irekereken kanoan boong ma kaainakin te baronga

- Northern Territory (NT), Queensland (QLD), and Western Australia (WA): Aikai taabo aika a tiitebo kanoan bongina ma ma aban nako te Betebeke ao East Timor
- Victoria (VIC), Tasmania (TAS) and South Australia (SA): Aikai taabo aika a raka riki mwaitoroia, ao koro aua tein te tiition iaona.



Baronga aika a mwaiti aika a kakaokoro kaaina:

- A mwaiti kain te Betebeke iaon taabo aika Queensland, New South Wales ao Victoria
 - I New South Wales, angina kain te Betebeke a maeka i Blacktown, Liverpool, Campbelltown, Penrith ao ai Canterbury-Bankstown
 - I Queensland, ao angina kain te Betebeke a maeka i Logan, Brisbane, Ipswich, Gold Coast, ao ai Moreton Bay

- I **Victoria**, e korakora mwaitiia i Casey, Hume, Brimbank, Melton ao ai Whittlesea
- Kain East Timor angina a maeka n te Northern Territory ao i Victoria
- A maeka angiin aia baronga kain East Timor n te **Northern Territory** n taabo aika Darwin ao Palmerston
- I **Victoria**, a mwaiti naba iai kain East Timor riki iaon taabo aika Brimbank, Wyndham, ao ai Maribyrnong.

\$= **Boon te maiu ao te boo n te mwakuri**

- **Taabo aika a bobuaka te maiu iai:** Sydney (New South Wales) ao Melbourne (Victoria) bon taabo aika a mwaiti mwakuri iai ma e rangi ni bobuaka te maiu iaona
- **E bubura te boo iai:** Aonon Queensland ma Western Australia bon taabo aika a rangi ni bubura booia taan mwakuri iai nakon taabo ake a raroa riki, ma kakaean taabo ni maeka a kuri kanganga rekeia
- **E boraoi te maiu iai:** South Australia ma Tasmania bon taabo aika a boraoi ma e kuri karako te mwakuri ae na reke iai.

Ana mwakete ni kamwakuri nako Australia

A kakaokoro tein taian mwakuri aika a kona n reke iaon iteran ma mwakoron nako Australia. Te katoto, tabeua mwakorona a rawata iai mwakuri ni kenken (n aron WA, QLD ao NT) ao a materaoi te boo ni mwakuri iai, ma kona bae ni mwakuri nte tabo ae raroanako. Mwakoron te aba tabeua (n aron NSW, VIC, ao ACT) a rawata riki iai karinanin nako mwakuri, ma a bon mwaiti naba aomata aika a kakaai aia mwakuri iaona.

Mwakurin te ununiki ma aroka a bane n reke iaon te aba ni kabutaa, ma angina mwakuri iai a kai toki.

New South Wales (NSW)



- **Kautuun kaawa:** Sydney
- **Moan taabo ni mwakuri:** Te mwakuri nte bwaraki ma te karaobwai Western Sydney, te mwakuri n tararua ma te kaneweaba Eastern Sydney, kambwana aika a bubura man ririeta nakoia (nuukan te kawa), tararuakia kaara ma mwakuri ni **kateitei** (e bon kabutaa aon te kawa)
- E korakora te mwakete ni kamwakuri, nanona e rawata nab ate mwakuri ae tauraoi, ma boon te auti ni maeka ma boon te maiu a bon bobuaka.

Victoria (VIC)



- **Kautuun kaawa:** Melbourne
- **Moan taabo ni mwakuri:** Taabo ni karao bwai, tararuaan te mauri, ao ai taabo ni karaobwai ma korobanna, tamnei, anene)
- Ana mwakete ni mwakuri Victoria e kinaaki n arona ae rawata iai taian mwakuri aika a tauraoi, riki iaon rabakau nte tiaienti, ae ngaia ae korakora iai kaubwaina.

Queensland (QLD)



- **Kautuun kaawa:** Brisbane
- **Moan taabo ni mwakuri:** Te kaneweaba, te ken kaubwai, te uniniki ao ai tararuaan te mauri
- E rawata te mwakuri ae tootoki taina ikai riki n taabo ake a raroa ke kaanga buuki. Ma e ngae n anne, e kuri kanganga reken te auti ni maeka n taabo akanne.

Western Australia (WA)



- **Kautuun kaawa:** Perth
- **Moan taabo ni mwakuri:** Kenakin kaubwai, te oera ma te bwaa, te ununiki, ao te kaneweaba
- A mwaiti riki taabo ni ken kaubwai iaon Western Australia, ao tabeua mwakuri iai a tangiria ae kona kikibakiba ibukin kaeana ao okim. Ibukin anne ao e bubura iai te boo ni mwakuri
- E korakora iai kainanoaia taan mwakuri ake a mwatai iaon aekaki ni mwakuri akanne. Ma e ngae n anne, ao kakaean auti ni maeka n taabo aika a raroanako e bon kanganga.

South Australia (SA)



- **Kautuun kaawa:** Adelaide
- **Moan taabo ni mwakuri:** Tabo ni karao wain ma kamanging, mwakuri ni karao bwai, tararuaan te mauri, ao ai te mwakuri ni katantan ke n totokoNgea
- South Australia bon te tabo ae raoiroi ana mwakete ni kamwakuri ma e korakora riki iaite mwakuri iaon tararuaan te mauri, mwakuri ni kaboobwai, kateitei, te reirei, ao ai karaobwai. E boobete naba iai te maiu riki nakon taabo ake tabeua.

Tasmania (TAS)



- Kautuun kaawa: Hobart
- Moan taabo ni mwakuri: Mwakuri ibukia manin ao arokan te ran, kaneweaba, tararua, ao ununiki
- E uarereke ana mwakete ni kamwakuri ao e mwaitoro aona, ma e korakora ngkai kainanoaia taan tararuaa te mauri iaona.

Northern Territory (NT)



- Kautuun kaawa: Darwin
- Moan taabo ni mwakuri: E korakora kainanonan te mwakuri n aron te ken kaubwai ao mwakuri aika a rarawata n aron kateitei ma kabutan mitiin
- Ana mwakete ni mwakuri Northern Territory e tabe n namakina kerakena iaon te ken kaubwai, tararuaan te mauri ao ai mwakuri ni kateitei. Taan kamwakuri ngkai a butimwaaia ake a tangiria ni katea aroia ni mwakuri aikai n aia aono.

Australian Capital Territory (ACT)



- Kautuun kaawa: Canberra
- Moan taabo ni mwakuri: Mwakuri nte tautaeka ao kabutan waaki ibukin te botanaomata
- Mwakuri ikai kanga a bon tau, ma a kainanoa beeban te reirei man reirei aika rietata ao n tabetai a kainanoa ae bon kaain te aba.



Karekea riki bwaninin rongorongon te buoka ibukin te kamwakuri rinanon te PEV pev.gov.au

Iaon ara itera ni baa nte intanete ao ko kona ni karekei rii kawai n ibuobuoki n ikotaki naba ma rongorongon te mwakuri. Ko kona naba ni kariniko nte reirei iaon rongorongon te mwakuri ake ana buokiko ni kakaean am mwakuri iaon Australia.